

شہادت خان لکھیرا: پنجاب دا ہک نشا بھر پاتر

ڈاکٹر سعید بھٹا ☆

ہرجی اپنے وسیب دا جم پل ہوندا ہے۔ اوہدے جیون اُتے وسیب دے گھنے پرچھاویں ہوندے ہن۔ وسیب دے پکے پیریں کھلوون کچھے صدیاں دا پینڈا ہوندا ہے تے اوہدے مگروں اوہ چنگ مند دے پیمانے بناوندا ہے۔ نرا ایس چنگ مند دے کنڈے اُتے تلن نال تاں ہک ریتل پاتر بندا ہے، جیہڑا ریتاں تُوں انھے واہ چھاپائی رکھدا ہے۔ سچا پاتر اوہ ہوندا ہے، جیہڑا اپنے وسیب وچ دُہیا ہوندا ہے تے وت لوکائی دیاں منگاں اُتے پورا لہندا ہے۔ اوہ اپنے وسیبی ہنڈھپے وچوں کجھ سٹے کڈھدا ہے جیس پاروں اوہدی نو یکلتا جمدی ہے۔ وت ایہہ سچا (ماڈل) کئی پیڑھیاں کان نمونے دا کم دیندا ہے۔ اصل وچ ایہہ جیون دیاں سد یو یاں قدراں ای ہوندیاں ہن، جیہناں دی چون اوہنوں امر کریندی ہے۔

ستارھویں صدی دا پنجاب اپنی وسیبی امیری پکھوں بہوں گن وندا ہے کہ ایہدے وچ عاشق تے وریام، شاعر تے سوجھوان سبھے اپنا رنگ جمائی بیٹھے ہن۔ ایس ڈھانی دا ہک اگوان شہادت خان لکھیرا وی ہے۔ لکھیرے تُوں کچھلیاں صدیاں دے لوک ادب نے رج

سنگار یا ہے، پراجوکیاں پیڑھیاں کان تاں اُکا ای اوپرا ہے۔ لوک ادب وچ کمالیے دے جیس کھل نُوں شہادت خان آکھیا گیا ہے۔ اورنگ زیب دے ایس سمکالی پاتر بارے انگریزی اُردو لکھتاں وچ سعادت یار خان دے ناں نال ویروا ملدا ہے۔ ”دی پنجاب چیفس“ موجب سوھویں صدی وچ کمالیہ وساون والے کمال خان کھل دی چوتھی پیڑھی سعادت یار خان داناں آ وندا ہے۔ (1) ”گزٹیر آف دی چناب کالونی“ وچ لکھیا ہے۔

"The lakhera clan was never numerically strong but it attained a certain amount of importance in the reign of Alamgir, when Saadat Yar Khan, the chief of Kamalia, obtained a jagir from the Delhi Emperor." (2)

پروفیسر قاضی فضل حق ہورراں چنابی دے قصہ ”ہیر و رانجھا“ دی پڑچول سے کمالیے دے اودو کے رئیس خان بہادر سعادت علی خان ہورراں نُوں چٹھی لکھی تاں اوہناں ولد ادتا: ”سعادت یار خان بھی اپنے باپ کی طرح جامع دو صفت رئیس و فاضل تھا۔ اور اسکی علمی قابلیت اور سخاوت کے بے شمار افسانے زبان زد خلاق ہیں۔ کثرت سخاوت کی وجہ سے وہ ”سخی“ کے لقب سے ملقب ہے۔ نہایت وجیہ اور تن آور تھا۔ مشہور ہے کہ ایک دفعہ بادشاہ نے خلعت دینا چاہا۔ دو تین خلعت منگائے مگر کوئی اُس کے قد پر پورا نہ اُترا۔ اُس وقت اُس نے حافظ کا یہ شعر پڑھا:

ہرچہ ہست از قیامت ناساز و بی اندام ماست
ورنہ تشریف تو بر بالای کس کوتاہ نیست“

(3)

اُتلے وچاراں توں سہج سہا سٹا نکلد ا ہے کہ عالمگیری سے داپتر سعادت یار خان لوک

بولی وچ شہادت خان دے نال مشہور ہويا۔

ہک لوک کہانی وچ دسیا گیا ہے کہ شہادت خان راوی تے چنھاں دے راٹھاں وچوں وڈا کھیڑا ہے، دا نروار کرنا چاہوندا ہے۔ کوئی اجیہا موقع نہیں بندا کہ اوہ نکھیڑا کر سکے۔ اوڑک اوہ راوی چنھاں دے راٹھاں سردار شاہ شہابیل، مراد ولاراء، واہند آسی تے نارنگ سہائی نون وزیراں تے چونویں فوج سنے دریا وچ بیڑی تے سیر کراوندا ہے۔ اوہ دریا دی آدھی وچ مہانے نون بیڑی بوڑن دا حکم دیندا ہے تاں شاہ شہابیل تلوار لے کے اوہدے سر اُتے گجدا ہے۔ کہانی کار دے لفظاں وچ:

”ارے مہانا! مینوں بچپن توں بڑا شوق ہے۔ میں بیڑی بڈدی نہیں ڈھٹی۔ کس طرح غرق ہوندی ہے۔ چپا پھیرتے بیڑی غرق کر دے۔ مودھی ہو جاوے۔“ ترائے راٹھ کول پیٹھن۔ وزیر، مشیر، سردار صاحب اگے پیٹھن۔ بیڑی پار جاندی پئی ہے۔ ترتی ویری نواب صاحب آہدن: میں تینوں بحیثیت نواب دے حکم کرناں۔ اوہ بلارا شاہ شہابیل دے کناں تے جاپیا۔ اوتھوں پیٹھیاں جوں ماریا نا دھرک نواب شہادت خان دے سر اُتے شاہ شہابیل آن لتھا۔ تلوار میان چوں باہر ہے۔ سردار صاحب بلایا۔ ”ارے مہانا!“ ”عالی جاہ!“ ایس بیڑے نون حکم اللہ دے نال کدھی نال چاں لا“۔ (4)

شہادت خان لوکا ئی نون ایہو دسنا چاہوندا ہے کہ جیہڑا ظالم دے ظلم نون ڈکدا ہے، اوہی وڈا ہے۔ ایہی پنجاب دی صدیاں بدھی ریت ہے۔ ایس ریت انیا ئیاں نون ٹھلھن والیاں نون ای وڈپ دتا ہے۔

نورے چدھر ڈا پیو سلیمہ کسے لڑائی وچ شہادت خان لکھیرے دی تلوار نال پھڑھوندا ہے۔ نور اچھاں توں ہکلا مکلا کمالیے شہادت خان دے ڈیرے اُتے جا گجدا ہے۔ نورا

اوہنوں للکریندا ہے تاں شہادت خان لکھیرا اوہدے اگے سرنیواں کردیندا ہے۔

”آکھیا ہے شہادت خان، ”پچرا بھل کے ٹونہہ آیا۔ تلوار واقعی میں ہی ماری ہائی چودھری سلیم ٹوں۔ امر ربی انجیں ہائی۔ میری تلوار نال اوس مرنا ہائی لیکن بندہ کجاک ہائی۔ مر گیا۔ ٹوں آگیا ہیں“۔ اوس سرنوایا، ”لے جا سمریرا۔ لاہ لا“۔ جیہیں ایلے سرنوایا شہادت خان۔ ”بس چاچا ویرمک گیا ہے۔ میں گھر پیا جانا ہاں“۔ (5)

نورا چنھاں دارا ٹھہ ہے تے شہادت خان کمالیے دانواب۔ شہادت خان دی کچھریوں نورے دا جیوندیاں پرتنا محال ہے۔ نورا بھوایں اوہدا ویری ہے پر شہادت خان اوہدی بہادری ٹوں سلا ہوندا ہے۔ انج بہادر بھوایں دشمن وی ہووے، پر اوہدے گن ٹوں وڈیا ونا بار دیاں قدراں دا حصہ ہے۔ شہادت خان اپنے ایس عمل نال جتھے دشمن ٹوں سجن بنالیندا ہے او تھے آون والیاں نسلاں کان جیوندی جاگدی مثال چھڈ ویندا ہے۔

چدھرڑاں دی آپسی زمین دی ونڈ دا جھیڑا مغل نواب دی کچھری وچ جھیڑ ویندا ہے۔ نورے دا چاچا سلطان سفارش کان شہادت خان کول جاوند ہے۔ شہادت خان آکھدا ہے۔ ”اوہ وی ترا ہے گھرتساں جیہے اُمید آ لے ہین۔ میتھوں بے حیائی تے بے ملاحظی نہیں ہوندی“۔ سلطان چپ کر گیا۔ سیت ہک ہوئی تاں شہادت خان آکھیا، ”سلطان مونہہ بھیرا نہ کر جیہڑا اتساں سلیمے کا مطلب ہے خط انچ پورا ہو ویسی“۔ (6)

کسے دھردی بدلجائی نہ کرنی تے سجن داکم انج کرنا دُوئے کن ٹوں پتہ وی نہ لگے۔ ایہہ اوہ قدراں ہن جیہناں ٹوں پنجاب دے ساؤ سبھاواں ہمیش وڈیا نیا ہے۔ دوجے بنے ہو چھاپن ہوندا ہے جیہڑے سجن دی اوکھے ویلے دھڑ کر کے پے ڈھول مریندے ہن۔ انج دے جی کدی لوکائی دے من وچ تھاں نہیں بناسکدے۔

دُنیا دے اقداری نظاماں وچ پناہ دیون ئوں ہمیش سراہیا گیا ہے۔ جے کسے پناہی دے ویری تگڑے ہن تے تاں انج پناہ دے کے پرایا ویر اپنے گل گھتن والی گل ہوندی ہے۔ اساڈے وسیب پرائی اگ وچ دھکھن دے ایس عمل ئوں چنگیاں جانیہے۔ پنجاب دی وسیبی تاریخ وی انج دے بھلیاں نال بھری پئی ہے۔ داراشکوہ تے اورنگ زیب دی تخت نشینی دی جنگ وچ داراشکوہ ئوں بھاج آوندی ہے۔ اوہ جان بچاون دی خاطر شہادت خان کول کمالیے پناہ لیندا ہے۔ شہادت خان وکھیرہیا ہے کہ اورنگ زیب ہن ہند بادشاہ ہے تے داراشکوہ ئوں پناہ دیونی بادشاہ نال ٹکر لین والی گل ہے۔ لوک کہانی موجب شہادت خان ئوں گرفتار کر کے اورنگ زیب دے دربار وچ پیش کیتا جاندا ہے:

”کیوں لکھیریا تیرے کول گیا دارا؟“ اکھے، ”گیا“۔ اوس کیہ آکھیا، ”اوس آکھیا، میں سائل ہو کے آیا ہاں۔ بھکھیا منگنا ہاں اپنی جان دا بے پیش چاں کریں تاں انعام لے لے۔ تے رب داناں منیں تاں مینوں بہا لے“۔ ”توہیں کیہ آکھیا؟“ میں آکھیا، میرے واسطے توں انجیں ہیں جیویں تخت تے بیٹھا ہویا ہیں۔ بادشاہ نال میں مقابلہ نہیں کر سکدا پر لکھیری دے جے ہوئے تیری لت پیٹھ نہ کوہائیں تاں مینوں لکھیرے دا خون نہ آکھیں“۔ ایہہ سگوس لفظ اگے دربار وچ دارا سنا چکا ہا۔ بادشاہ آکھیا، ایہہ کوڑ کیوں مریوئی۔ توہیں کوئی انج کرنا ہا جے میں دھا کے آواں ہا؟ اوس آکھیا، شہنشاہ سلامت! توہیں ہر بندہ حرامدا سمجھیا ہویا ہے۔ ایس پنے بلوچ روک۔ ایس توں نہ جوں بھار چیندا تاں اگا نہہ تاں جاون دیندا۔ کدی مہمان وی کسے حلالی پھدھ کے پیش کیتن“۔ (7)

پنجابی لوک کہانی موجب دارا نس کے قندھار اپڑنا چاہوند ا ہے۔ اوہ بلوچستان دے پنے بلوچ جیون خان کول جاوندا ہے تاں جواوہنوں قندھار اپڑائے۔ دارے دی قندھار اپڑن دی سک

دا ہنگارا تاں تاریخاں وی بھر دیاں ہن، پر دارے ئوں دھوکھے نال گرفتار کراون والا ملک
جیون خان پٹھان سی۔ برنیر دے لفظاں وچ:

"While Dara's mind was in this state of perplexity and indecision,
it occurred to him that he was at no considerable distance from
Gion Khan, a Patan of some power and note, whose life he had
been twice the means of preserving, when condemned by
Chah-Jehan to be thrown under the elephant's feet, as a
punishment for various acts of rebellion." (8)

برنیر دا وچار ٹھیک جا پدا ہے کہ قندھار پٹھاناں دی جُوہ دے لاگے ہے تے ایس گل دا ہنگارا
تاریخاں وی بھر دیاں ہن کہ جیون خان پٹھان ای دارے ئوں وساہ کے اورنگ زیب ئوں
خبرایا ہا۔ لوک کہانی وچ آون والے انج دے بھلیکھیاں ئوں نہ متاریے تاں ایس وچوں ایہو
درس ملدا ہے کہ ہمتالاں دے مقابلے تے پناہ دیونی جیون دی وڈی قدر ہے۔

اصل وچ انگریزی راج توں پہلاں دا پنجاب، علم، تاریخ، ادب، کول کلا، وسیبی امیری
تے جیون دے دو بے کھیراں پکھوں اُونانا ہی۔ اودوں پنجابی وسیب اپنے پیراں تے کھلوتا
ہا، جیہدے سٹے وچ لیہدا اپنا اقداری نظام جمیا۔ لیہدے جیون دیاں قدراں وڈے توں
وڈے اخلاقی نظاماں دے ساویں لہندیاں ہن۔ اودو کے جیون وچ کئے ای شہادت خان
ہاں جیہناں دے سچے جیون ئوں لوکائی ماندی ہا۔ لوک ادب وی شہادت خان ورگے پاتراں
ئوں ای ماننا دیندا ہے، جیہڑے بندیائی دا کچھ پُردے ہن۔ انج لوک پریت اچھے پاتراں
ئوں سد یوی حیاتی بخشدی ہے۔

حوالے

1. Sir Lepel H.Griffin, The Punjab Chiefs, ed. Colonel Charles Francis Massy, Rev. ed 1st, W.L.Conran, H.D.Craick, Rev.ed 2nd (Lahore: Sang-e-Meel,2004) 229.
2. Punjab Government, Gazetteer of the Chenab Colony, (Lahore: Civil And Military Gazette, 1905)16.
- 3۔ پروفیسر قاضی فضل حق مرحوم۔ ”عشقیہ پنجاب یا قصہ ہیر و ماہی“ پنجابی قصے فارسی زبان میں جلد اول۔ مرتب۔ دکتز محمد باقر (لاہور: پنجابی ادبی اکیڈمی، 1957ء) 119۔
- 4۔ پروفیسر سعید بھٹنا، ”شہادت خان لکھیرا“، پنجابی ادب 18.71-72 (2004ء) 64-65۔
- 5۔ سعید بھٹنا، ”نور سلیم دا چدرہ رُڑ“، پنجم 2-5.1 (2003ء) 66۔
- 6۔ سعید بھٹنا، مرتب۔ دیس دیاں واراں پہلی جلد (لاہور: پنجاب انسٹی ٹیوٹ لینگویج آرٹ اینڈ کلچر، 2007ء) 43۔
- 7۔ سعید بھٹنا، مرتب۔ کمال کہانی (لاہور: سانجھ، 2006ء) 102۔
- 8 Francois Bernier, Travels in the Mogul Empire, tran, Irving Brock (London: Westminster, 1841) 95.